

I	EES-STOFNANIR	
1.	EES-ráðið	
2.	Sameiginlega EES-nefndin	
3.	Sameiginlega EES-þingmannanefndin	
4.	Ráðgjafarnefnd EES	
II	EFTA-STOFNANIR	
1.	Fastanefnd EFTA-rikkjanna	
2.	Eftirlitsstofnun EFTA	
3.	EFTA-dómstóllinn	
III	EB-STOFNANIR	
1.	Ráðið	
2.	Framkvæmdastjórnin	
2010/EES/47/01	Tilkynning um fyrirhugaða samfylkingu fyrirtækja (mál COMP/M.5958 – Goldman Sachs/TPG/Ontex)	1
2010/EES/47/02	Tilkynning um fyrirhugaða samfylkingu fyrirtækja (mál COMP/M.5975 – Lion Capital/Picard Groupe)	2
2010/EES/47/03	Ríkisaðstoð – Grikkland – Málsnúmer C 15/10 (áður NN 21/10) – Einkavæðing fyrirtækisins Casino Mont Parnès – Auglýst eftir athugasemdum í samræmi við 2. mgr. 108. gr. sáttmálans um starfshætti Evrópusambandsins	3
2010/EES/47/04	Ríkisaðstoð – Grikkland – Málsnúmer C 16/10 (áður NN 22/10) – Aðstoð við tiltekin grísk spilavíti – Auglýst eftir athugasemdum í samræmi við 2. mgr. 108. gr. sáttmálans um starfshætti Evrópusambandsins	3
2010/EES/47/05	Orðsending efnahagsráðherra Konungsríkisins Hollands með vísan til 2. mgr. 3. gr. tilskipunar Evrópuþingsins og ráðsins 94/22/EB um skilyrði fyrir veitingu og notkun leyfa til að leita að, rannsaka og vinna kolvatnsefni	4
2010/EES/47/06	Auglýsing eftir tillögum – EACEA/31/10 – MEDIA 2007: Hljóð- og myndmiðlahátíðir	5
3.	Dómstóllinn	

EB-STOFNANIR

FRAMKVÆMDASTJÓRNIN

Tilkynning um fyrirhugaða samfylkingu fyrirtækja
(mál COMP/M.5958 – Goldman Sachs/TPG/Ontex)

2010/EES/47/01

1. Framkvæmdastjórninni barst 26. ágúst 2010 tilkynning samkvæmt 4. gr. reglugerðar ráðsins (EB) nr. 139/2004 ⁽¹⁾ um fyrirhugaða samfylkingu þar sem bandarísku fyrirtækin Goldman Sachs Group, Inc. („Goldman Sachs“) og TPG Holdings I, L.P. („TPG“), sem lúta yfirlýðum TPG Group Holdings (SBS) Advisors, Inc., öðlast með hlutafjárkaupum í sameiningu yfirlýð, í skilningi staflíðar b) í 1. mgr. 3. gr. samrunareglugerðar EB, í belgíska fyrirtækinu Ontex International N.V. („Ontex“).
2. Starfsemi hlutaðeigandi fyrirtækja er sem hér segir:
 - Goldman Sachs: fjárfestingabankastarfsemi, stjórnun verðbréfa og fjárfestinga á heimsmarkaði
 - TPG: sjóður sem fjárfestir í óskráðum félögum
 - Ontex: framleiðsla og sala á einnota hreinlætisvörum (ungbarnavörum, hreinlætisvörum fyrir konur og vörum fyrir fullorðið fólk til nota við lausheldni)
3. Frumathugun framkvæmdastjórnarinnar hefur leitt í ljós að samfylkingin, sem tilkynnt hefur verið, geti fallið undir gildissvið samrunareglugerðar EB. Fyrirvari er þó um endanlega ákvörðun.
4. Hagsmunaaðilar eru hvattir til að senda framkvæmdastjórninni athugasemdir sem þeir kunna að hafa fram að færa um hina fyrirhuguðu samfylkingu.

Athugasemdir verða að berast framkvæmdastjórninni innan tíu daga frá því að tilkynning þessi birtist í Stjtið. ESB (C 239, 4. september 2010). Þær má senda með símbréfi (faxnr. +32 (0)22 96 43 01), með rafpósti á netfangið COMP-MERGER-REGISTRY@ec.europa.eu eða í pósti, með tilvísuninni COMP/M.5958 – Goldman Sachs/TPG/Ontex, á eftirfarandi pósthfang:

European Commission
Directorate-General for Competition
Merger Registry
J-70
B-1049 Bruxelles/Brussel
BELGIQUE/BELGIË

⁽¹⁾ Stjtið. ESB L 24, 29.1.2004, bls. 1 („samrunareglugerð EB“).

**Tilkynning um fyrirhugaða samfylkingu fyrirtækja
(mál COMP/M.5975 – Lion Capital/Picard Groupe)**

2010/EES/47/02

1. Framkvæmdastjórninni barst 27. ágúst 2010 tilkynning samkvæmt 4. gr. reglugerðar ráðsins (EB) nr. 139/2004 ⁽¹⁾ um fyrirhugaða samfylkingu þar sem breska fyrirtækið Lion Capital LLP („Lion Capital“) öðlast með kaupum á verðbréfum að fullu yfirráð, í skilningi staflíðar b) í 1. mgr. 3. gr. samrunareglugerðar EB, í franska fyrirtækinu Picard Groupe SA („Picard“).
2. Starfsemi hlutaðeigandi fyrirtækja er sem hér segir:
 - Lion Capital stjórnar fjárfestingum í óskráðum félögum með áherslu á fjárfestingar í félögum sem framleiða og/eða selja vörumerkjavörur til neytenda. Eitt félaganna í eignasafni þess, Findus, selur frosin matvæli til smásala
 - Picard stundar smásölu dreifingu á frosnum matvælum í gegnum eigið dreifikerfi sérverslana sem starfa undir nafni Picard vörumerkisins
3. Frumathugun framkvæmdastjórnarinnar hefur leitt í ljós að samfylkingin, sem tilkynnt hefur verið, geti fallið undir gildissvið samrunareglugerðar EB. Fyrirvari er þó um endanlega ákvörðun.
4. Hagsmunaaðilar eru hvattir til að senda framkvæmdastjórninni athugasemdir sem þeir kunna að hafa fram að færa um hina fyrirhuguðu samfylkingu.

Athugasemdir verða að berast framkvæmdastjórninni innan tíu daga frá því að tilkynning þessi birtist í Stjtið. ESB (C 238, 3. september 2010). Þær má senda með símbreði (faxnr. +32 (0)22 96 43 01), með rafpósti á netfangið COMP-MERGER-REGISTRY@ec.europa.eu eða í pósti, með tilvísuninni COMP/M.5975 – Lion Capital/Picard Groupe, á eftirfarandi pósthfang:

European Commission
Directorate-General for Competition
Merger Registry
J-70
B-1049 Bruxelles/Brussel
BELGIQUE/BELGIË

⁽¹⁾ Stjtið. ESB L 24, 29.1.2004, bls. 1 („samrunareglugerð EB“).

Ríkisaðstoð – Grikkland**2010/EES/47/03****Málsnúmer C 15/10 (áður NN 21/10) – Einkavæðing fyrirtækisins Casino Mont Parnés****Auglýst eftir athugasemdum í samræmi við 2. mgr. 108. gr. sáttmálans um starfshætti Evrópusambandsins**

Framkvæmdastjórnin tilkynnti stjórnvöldum á Grikklandi, með bréfi dagsettu 6. júlí 2010, þá ákvörðun sína að hefja rannsókn á ofangreindri aðstoð í samræmi við 2. mgr. 108. gr. ESB-sáttmálans, sjá [Stjtið. ESB C 233, 28.8.2010, bls. 11.](#)

Frestur hagsmunaaðila til að gera athugasemdir við aðstoðina, sem framkvæmdastjórnin hefur tekið til rannsóknar, er einn mánuður frá því að ágríp þetta og eftirfylgjandi bréf birtist í Stjtið. ESB (birtingardagur 28.8.2010). Athugasemdir skal senda á eftirfarandi pósthfang:

European Commission
Directorate-General for Competition
Directorate F
Office J-70, 3/225
1049 Bruxelles/Brussel
BELGIQUE/BELGIË

Bréfasími: +32 22961242

Athugasemdunum verður komið á framfæri við stjórnvöld á Grikklandi. Þeim, sem leggja fram athugasemdir, er heimilt að óska nafnleyndar og skulu slíkar óskir vera skriflegar og rökstuddar.

Ríkisaðstoð – Grikkland**2010/EES/47/04****Málsnúmer C 16/10 (áður NN 22/10) – Aðstoð við tiltekin grísk spilavíti****Auglýst eftir athugasemdum í samræmi við 2. mgr. 108. gr. sáttmálans um starfshætti Evrópusambandsins**

Framkvæmdastjórnin tilkynnti stjórnvöldum á Grikklandi, með bréfi dagsettu 6. júlí 2010, þá ákvörðun sína að hefja rannsókn á ofangreindri aðstoð í samræmi við 2. mgr. 108. gr. ESB-sáttmálans, sjá [Stjtið. ESB C 235, 31.8.2010, bls. 3.](#)

Frestur hagsmunaaðila til að gera athugasemdir við aðstoðina, sem framkvæmdastjórnin hefur tekið til rannsóknar, er einn mánuður frá því að ágríp þetta og eftirfylgjandi bréf birtist í Stjtið. ESB (birtingardagur 31.8.2010). Athugasemdir skal senda á eftirfarandi pósthfang:

European Commission
Directorate-General for Competition
Directorate F
Office J-70, 3/225
1049 Bruxelles/Brussel
BELGIQUE/BELGIË

Bréfasími: +32 22961242

Athugasemdunum verður komið á framfæri við stjórnvöld á Grikklandi. Þeim, sem leggja fram athugasemdir, er heimilt að óska nafnleyndar og skulu slíkar óskir vera skriflegar og rökstuddar.

**Orðsending efnahagsráðherra Konungsríkisins Hollands með vísan til 2. mgr. 3. gr. 2010/EES/47/05
tilskipunar Evrópuþingsins og ráðsins 94/22/EB um skilyrði fyrir veitingu og notkun
leyfa til að leita að, rannsaka og vinna kolvatnsefni**

Efnahagsráðherra gjörir kunnugt að borist hefur umsókn um leyfi til kolvetnisvinnslu á svæði sem nefnist Akkrum 11 og liggur í Fríslandssýslu og afmarkast af beinum línum sem tengja hornpunktana A-B, B-C, C-D, D-E og E-A. Hnit punktanna eru sem hér segir:

Hornpunktur	X	Y
A	205444,75	558988,28
B	208120,00	561040,00
C	209823,97	560049,72
D	208431,75	558470,58
E	206770,00	558366,60

Hnitin eru samkvæmt kerfi Hornamælinga ríkisins (RD)

Í samræmi við þessa afmörkun svæðisins er flatarmál þess 6,38 km².

Með vísan til ofangreindrar tilskipunar og ákvæða 15. gr. námálaga („Mijnbouwwet“) (Staatsblad (hollensku stjórnartíðindin) nr. 542, 2002), auglýsir efnahagsráðherra eftir samkeppnisumsóknum áhugaaðila um leyfi til kolvetnisvinnslu á svæði sem afmarkast af ofangreindum hornpunktum og hnitum.

Úthlutun leyfa er í höndum efnahagsráðherra. Viðmið, skilmálar og kröfur, sem um getur í 1. og 2. mgr. 5. gr. og 2. mgr. 6. gr. ofangreindrar tilskipunar, koma fram í námalögum („Mijnbouwwet“) (sjá Staatsblad nr. 542, 2002).

Tekið verður á móti umsóknum í 13 vikur eftir að auglýsing þessi birtist í *Stjórnartíðindum Evrópusambandsins* (birtingardagur 31.8.2010). Umsóknir ber að senda:

The Minister for Economic Affairs
For the attention of J.C. De Groot, Director for the Energy Market
ALP A/562
Bezuidenhoutseweg 30
Postbus 20101
2500 EC Den Haag
Nederland

Umsóknir, sem berast eftir að fresturinn rennur út, verða ekki teknar til greina.

Ákvörðun um umsóknirnar verður tekin eigi síðar en tólf mánuðum eftir að fresturinn rennur út.

Nánari upplýsingar veitir E.J. Hoppel í síma +31 703797088.

Auglýsing eftir tillögum – EACEA/31/10**2010/EES/47/06****MEDIA 2007: Hljóð- og myndmiðlahátíðir****1. Markmið og lýsing**

Auglýst er eftir tillögum á grundvelli ákvörðunar Evrópuþingsins og ráðsins nr. 1718/2006/EB frá 15. nóvember 2006 um framkvæmd áætlunar um stuðning við hljóð- og myndefnisframleiðslu í Evrópu (MEDIA 2007).

Í ofangreindri ákvörðun ráðsins eru m.a. sett eftirtalin markmið:

- að greiða fyrir og hvetja til kynningarstarfs og útbreiðslu evrópskra hljóð- og myndmiðlaverka og kvikmyndaverka á sölusýningum, kaupstefnum og hljóð- og myndmiðlunarhátíðum í Evrópu og um heim allan, að því marki sem slíkir viðburðir geta gegnt mikilvægu hlutverki í kynningu evrópskra verka og tengslamyndun milli fagfólks,
- að bæta aðgengi almennings í Evrópu og í öðrum heimshlutum að evrópskum hljóð- og myndverkum.

2. Hlutgengir umsækjendur

Auglýsingunni er beint til fyrirtækja í Evrópu, þ.e. fyrirtækja sem eru skráð í, og undir yfirráðum ríkisborgara frá, aðildarríkjum Evrópusambandsins og löndum sem eiga aðild að EES-samningnum og taka þátt í áætluninni MEDIA 2007 (Íslandi, Liechtenstein og Noregi), auk Sviss og Króatíu.

3. Styrkhæf starfsemi

Fyrirtækin verða að standa að hátíðum með hljóð- og myndefni sem stuðla að ofangreindum markmiðum og þar sem hlutfall evrópskra kvikmynda af heildarframboði er að minnsta kosti 70 af hundraði, og skulu sýndar myndir frá að minnsta kosti 10 ríkjum sem eiga aðild að MEDIA-áætluninni.

Þessi auglýsing eftir tillögum gildir aðeins með tilliti til verkefna sem hefjast á tímabilinu frá 1. maí 2011 til 30. apríl 2012.

4. Viðmið við úthlutun

Gefin verða allt að 100 stig á grundvelli eftirtalinnna viðmiða sem hafa mismunandi vægi eins og hér er greint:

- „Evrópuþáttur“ efnisskrárinnar (15 stig),
- fjölbreytni að því er varðar menningu og upprunaland (20 stig),
- vöndun og nýsköpun efnisins (10 stig),
- áhrif á áhorfendur (30 stig),
- áhrif á kynningu og dreifingu evrópsks hljóð- og myndefnis (15 stig),
- þátttaka kvikmyndagerðarmanna (10 stig).

5. Fjárveiting

Áætluð heildarfjárveiting vegna samfjármögnunar verkefna er 1 600 000 EUR (með fyrirvara um samþykkt fjárlaga Evrópusambandsins fyrir árið 2011).

Styrkir framkvæmdastjórnarinnar geta ekki orðið hærri en sem nemur 50% af heildarfjárhæð styrkhæfs kostnaðar. Hámarksstyrkur er EUR 75 000.

Framkvæmdastofnunin áskilur sér rétt til að úthluta ekki öllu því fé sem er til ráðstöfunar.

6. Umsóknarfrestur

Umsóknarfrestir eru sem hér segir:

- 2. nóvember 2010: varðar verkefni sem hefjast á tímabilinu frá 1. maí 2011 til 31. október 2011,
- 30. apríl 2011: varðar verkefni sem hefjast á tímabilinu frá 1. nóvember 2011 til 30. apríl 2012.

Umsóknir skulu sendar framkvæmdastofnun áætlunarinnar (EACEA) á eftirfarandi pósthfang:

Agence exécutive Éducation, audiovisuel et culture (EACEA)
Unité programme MEDIA – P8
Appel à Propositions – EACEA/31/10 – Festivals audiovisuels
M. Constantin DASKALAKIS
BOUR 04/55
Avenue du Bourget/Bourgetlaan 1
1140 Bruxelles/Brussel
BELGIQUE/BELGIË

Umsóknir verða teknar til greina því aðeins að þær berist á opinberu umsóknareyðublaði með undirskrift fulltrúa umsóknarsamtakanna sem hefur umboð til lagalegra skuldbindinga fyrir hönd þeirra.

Umsóknir, sem sendar eru með símbréfi eða rafrósti, verða ekki teknar til greina.

7. Nánari upplýsingar

Leiðarvísi fyrir umsækjendur og umsóknareyðublöð er að finna á eftirfarandi vefslóð:

<http://ec.europa.eu/media>

Fullnægja ber öllum skilmálum leiðbeininganna og skila umsóknum á til þess gerðum eyðublöðum. Um almenn ákvæði og skilmála sjá:

http://eacea.ec.europa.eu/about/eacea_documents_register_en.php